

(4) *Circumspecta* actio postulata fuit, h. e. ad omnes eventus præparata & armata. Non solum successum sperare sufficit, sed etiam, quid ubi successus defuerit agendum sit, Fortunæ Faber meditari debet. Atque hoc & *Seneca* est *Confilium: Prepararetur Animus contra omnia. Nemo non fortius ad id, cui se composuerat, accessit, & duris quoque, si præmeditata erant, obstetit. At contra imparatus etiam levisissima expavit. Id agendum est, ne quid nobis inopinatum sit. Epistolar. L. I. Epist. CVII.*

Perspectis jam desiderii implendi Mediis, pauca adhuc de removendis *Obstaculis* adjicienda sunt. Veniunt verò ista præcipue: partim à *Superioribus & Patronis iratis*; partim à *Paribus Æmulis & invidis*. Nam inferiores tam facile non irascuntur, modo observentur regulæ ad ipsorum captandam benevolentiam superius præscriptæ.

*Prius Obstaculum à Superioribus & Patronis iratis* provenire posse dictum fuit; eorum igitur *Gratia* prudenter reconcilianda est, ubi suspensã & dubiam eam deprehenderimus. Sæpius enim non tam culpâ nostrâ, quam ob *Tempus* minus opportunum irasci solent. Obtinebimus hoc: (1) *submissam Tristitiam ostendendo*. Ex hoc nimirum *Animi mœrore* judicabunt, quanti æstimetur à nobis ipsorum *Benevolentia*, & tacitâ hâc infi-